

中國歷代書畫
藝術論著叢編

李長林著



中國大百科全書出版社

徐 娟 主 編

中國歷代畫史藝術論著叢編
(12)




中國大百科全書出版社

(民國)金 梁輯

盛京故宮書畫錄

盛京故宮

書畫錄



本冊目錄

盛京故宮書畫錄

.....

(民國)金

梁輯
1

叙

盛京清之豐鎬也天府珍異之品分儲於故宮者二百數十年來代有所增余曩督東三省兼將軍並管內務府大臣事房序寶器職在典守以宮廷歲久頽敗葺而新之凡所儲藏門分類別重加編錄自彝鼎圖書之重下逮一木一羽之微靡不詳其名數嚴其扃鑰後者相承無敢忽也金子梁盛京故宮書畫錄蓋在余旣去東之後仿石渠寶笈例而作者也卷軸冊幅聯額以類相從尺度標題纖悉備志都四百四十九件皆度於翔鳳閣者未及其他而值政革盡所藏諸物輦致都下入古物陳列所金子握筆旁皇悵悵而靡所之比來都將以所錄付剗劂而乞叙於余安可無一言以塞其望雖然一夢瑯嬛早成泡幻所

懸諸心目而足發考古之一喟者又豈僅書畫而已哉水竹村
人徐世昌書

自序

盛京故宮珍藏頗富首推古銅

都八百件西清續鑑詳載圖說

其次瓷器

凡十萬件

建樓陳設

其次書畫

翔鳳閣藏四百餘件即此編所記別殿陳設亦及此數

其次圖書

文溯閣藏四庫

全書各殿亦多古籍

而戰用遺念各品甲冑弧矢亦足爲一朝興廢之紀

念若珍珠串鑽石刀見者駭爲奇物僅可聊備一格而已余戊

申秋出關適唐專使奉命聘美特過瀋陽取佳瓷數件挾之西

遊謂備贈遺國主之用方聞而訝之次歲有英人希吉納者曾

爲埃及元帥好瓷成癖老而鰥居自謂撫兵如子而愛瓷如妻

聞東都藏瓷之美來請瞻視索贈霽紅小花插竟亦予之毋吝

事尤可怪嗚呼藏珍雖富又能禁幾人予取予携耶余時兼司

典守之職翬議立博覽館繪圖訂章請大府奏明建設并聘通

人編纂目錄記要以備攷查議方協而余出守新民唯書畫一類爲余與余鐵珊及金月洲諸君主纂幸已編輯過半事旣中輟遂亦無人過問矣去秋余自濱江到奉舊地重遊前塵如夢鐵珊南歸悵望天末月洲晤面相對欷歔遂索舊稿重加編錄體例均仿石渠寶笈定名曰盛京故宮書畫錄匆促成篇無復次序猶憶其中所藏倪雲林古木竹石圖有王璫氏題詩云流光冉冉逐驚波文物空思晉永和遼鶴重尋舊城郭當時風致已無多歲月驚心河山觸目重檢至此百感蒼茫不自知其涕淚之何多也

癸丑暮春三月息侯金梁

凡例

一是書所載書畫分卷軸冊經幅額聯七類每類先書後畫首冠

宸翰次及唐宋元明國朝各名人及無名氏以至刻絲刺繡各以朝代爲序

一每類中既按朝代依次記載其無名氏及方外女史不另位置各附於各朝之末

一是書所收皆唐宋以下名人手迹無論臨本真跡題款照錄未便分別真贋各類目次則悉照題簽不須增減

一卷軸冊中有書畫合璧一類爲數無多但非工力悉敵能稱雙美有書附見於畫者歸畫類畫附見於書者歸書

類各依朝代等諸附庸以免偏重

一是書於釋道二氏有書非某偈某經畫非祇林丹室者則亦同爲月露風雲仍收入各朝之內不另分類

一書畫首詳本幅先分別箋絹與書之真草篆隸畫之墨畫著色及本人款識圖章或他人題跋在本幅者暨收藏押縫諸印以次叙錄卷則前後隔水次引首又次拖尾軸則上下左右各方次及詩塘書冊則前後頁畫冊則前後幅次及餘頁餘幅各依其次欲使條理井然觀者可無留目也

一各類題跋叙述宜詳期無遺漏惟圖章從刪以款字已明不須重贅也

一凡所載題跋及幅內印章俱依前後卷則曰卷首卷末
軸則曰左方右方上方下方書冊則曰頁前頁後畫冊則
曰幅前幅後冊數多者則曰第幾冊第幾頁第幾幅經冊
亦同此例未裝潢之幅額聯立幅則曰無上下軸橫幅則
曰無左右軸額亦如之聯則曰上聯下聯無上下軸其爲
先代內府所藏之寶統以璽書之名人圖章統以印書之
一書畫中有

宸翰書簽並題跋者則於各項叙述之後敬爲登載不敢與諸人
題跋一例

一名跡流傳幾經裝背款字已失或原無題款經名人鑒
跋確有依據或書法畫踪的然無疑爲某某者則以無款

或未署款書之仍歸列朝有名人類

一書畫中題跋經全錄原文有署別號及無名者若印章可識或別有考據則仍書某某其概無証據者則但書題句云跋語云直錄其題跋之詞而以後署某字書之不敢臆爲附會用以闕疑至書中有全係古人陳文者概從刪減以省煩文惟節錄者則全行叙述以備查考

一真跡中如唐宋人手墨一字亦不易得其殘縑斷幅必以幾行幾字謹記所以別於後代諸家者以吉光片羽珍重應逾十倍也

一書畫中跋語間有字畫殘缺模糊及圖章漫漶不可辨者則從闕疑其字跡錯落文義顯然者亦毋須補正

一刻絲刺繡雖工亦爲降格皆附於各類無名氏之後毋庸分類

一書畫中一冊有數十家筆墨其年代不齊者歸於列朝之後

一是書所載僅

翔鳳閣所藏共計四百四十九件其各宮陳設卷冊另爲編纂不在此內

一庚子兵燹後書畫中有碎裂脫落污穢及全行遺失者均一一注明以重典守而備查考

盛京故宮書畫錄目

第一冊

卷之屬一

高宗純皇帝御筆戒得堂記卷

高宗純皇帝御筆戒得堂後記卷

高宗純皇帝御筆知過論卷

高宗純皇帝御筆南巡記卷

高宗純皇帝御筆賜提督柴大紀詩卷

高宗純皇帝御製元旦雪詩董誥書并畫卷

高宗純皇帝御製五福頌宏旰書并圖卷

高宗純皇帝御製涇清渭濁詩宏旰書并畫卷

高宗純皇帝御製麋角解說董邦達書并繪圖卷

唐李邕書牡丹詩卷

唐釋智永真書千文卷

唐戴嵩鬪牛圖卷

唐閻立本職貢圖卷

唐滕昌祐蝶戲長春圖卷

唐人秋山紅樹圖卷

第二冊

卷之屬二

宋蘇軾書中山松醪賦卷

宋蘇軾書畫記卷